

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 98. sjednici, održanoj 12.06.2017.godine, d o n o s i

ZAKLJUČAK

I

Utvrđuje se Prijedlog Izmjena i dopune Budžeta Zeničko-dobojskog kantona za 2017. godinu.

II

Prijedlog Izmjena i dopune Budžeta Zeničko-dobojskog kantona za 2017. godinu upućuje se u dalju skupštinsku proceduru po skraćenom postupku.

III

Zaključak stupa na snagu danom donošenja.

Broj: 02-_____/17.
Datum, 12.06.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo finansija,
1x Stručna služba Skupštine,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO FINANSIJA**

PRIJEDLOG

**IZMJENE I DOPUNA
BUDŽETA ZENIČKO-DOBOJSKOG KANTONA
ZA 2017. GODINU**

Zenica, maj 2017. godine

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na _____sjednici održanoj dana _____godine, donosi

**IZMJENE I DOPUNU
BUDŽETA ZENIČKO-DOBOJSKOG KANTONA
ZA 2017. GODINU**

I. OPĆI DIO

**Član 1.
(Sadržaj)**

Član 1. Budžeta Zeničko-dobojskog kantona za 2017. godinu („Službene novine Zeničko-dobojskog kantona” broj: 15/16), mijenja se i glasi:

„Budžet Zeničko-dobojskog kantona za 2017. godinu, sastoji se od:

Rb	O P I S	Budžet 2016. godine	Plan Budžeta za 2017. godinu
1.	UKUPNI PRIHODI	265.655.000	267.215.512
2.	UKUPNO KAPITALNI PRIMICI	19.870.000	31.003.000
3.	UKUPNO PRIHODI I PRIMICI	285.525.000	298.218.512
4.	UKUPNO RASHODI	265.401.237	266.868.478
5.	U K U P N O KAPITALNI IZDACI	8.357.763	15.489.122
6.	U K U P N O FINANSIRANJE	11.466.000	11.531.538
7.	U K U P N O RASHODI + KAPITALNI IZDACI + FINANSIRANJE	285.225.000	293.889.138
8.	Pokriće akumuliranog deficita	100.000	4.329.374
9.	VIŠAK-MANJAK (3-7-8)	200.000	0

**Član 2.
(Prihodi i rashodi)**

U članu 2. Budžeta Zeničko – dobojskog kantona za 2017. godinu, u dijelu A. RAČUN PRIHODA – III Namjenska sredstva, u koloni 5 – Plan Budžeta – namjenska sredstva 2017. godina, na ekonomskom kodu “722550 – Naknade za zaštitu okoliša” iznos “3.700.000”, mijenja se iznosom “4.675.212”.

U članu 2. Budžeta Zeničko – dobojskog kantona za 2017. godinu, u dijelu A. RAČUN PRIHODA – VI RAČUN KAPITALNIH PRIMITAKA I FINANSIRANJA, ispod pozicije “813000 – Primici od finansijske imovine”, dodaje se novi red “813300 – Primljene otplate od pozajmljivanje javnim preduzećima”, sa iznosom u koloni 5 – Plan Budžeta – račun kapitalnih primitaka 2017. godina od “1.003.000”.

U članu 3. Budžeta Zeničko – dobojskog kantona za 2017. godinu, u koloni 9 – Plan izdaci iz Budžeta, na razdjelu 17, budžetska organizacija 01, potrošačka jedinica 0001, Ministarstvo finansija, na ekonomskom kodu „823200 – Vanjske otplate“, iznos „5.540.800“, zamjenjuje se iznosom od „6.543.800“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „613400 – Nabavka materijala“, iznos „0“, zamjenjuje se iznosom od „4.000“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „613700 – Izdaci za tekuće održavanje“, iznos „0“, zamjenjuje se iznosom od „305.500“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „613800 - Izdaci osiguranja, bankarskih usluga i usluga platnog prometa“, iznos „0“, zamjenjuje se iznosom od „500“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „613900 MDC901 - Izdaci po osnovu privremenih i povremenih poslova“, iznos „0“, zamjenjuje se iznosom od „189.500“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „613900 MDC902 – Ostale ugovorene usluge“, iznos „0“, zamjenjuje se iznosom od „125.790“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „821300 – Nabavka opreme“, iznos „0“, zamjenjuje se iznosom od „332.000“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „821500 – Nabavka stalnih sredstava u obliku prava“, iznos „0“, zamjenjuje se iznosom od „3.000“.

U članu 3. Budžeta Zeničko – dobojskog kantona za 2017. godinu, u koloni 10, Plan izdaci iz namjenskih sredstava, na razdjelu 22, budžetska organizacija 04, potrošačka jedinica 0010, Univerzitet u Zenici, na ekonomskom kodu „821600 – Rekonstrukcija i investiciono održavanje“, iznos „0“, zamjenjuje se iznosom od „14.922“.

Član 3. **(Stupanje na snagu)**

Ove Izmjene i dopuna Budžeta Zeničko-dobojskog kantona stupaju na snagu narednog dana od dana objavljivanja u „Službenim novinama Zeničko-dobojskog kantona“.

Broj:
Datum,

P R E D S J E D A V A J U Ć I

Jasmin Duvnjak

OBRAZLOŽENJE

USTAVNI OSNOV

Pravni osnov za donošenje Izmjena i dopune Budžeta Zeničko-dobojskog kantona za 2017. godinu, sadržan je u članu 37. stav 1. tačka g) Ustava Zeničko-dobojskog kantona kojim je utvrđeno ovlaštenje Skupštine Kantona da donosi Budžet Kantona i članu 37. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15, 102/15 i 104/16).

RAZLOZI ZA DONOŠENJE

Razlozi za donošenje Izmjena i dopune Budžeta za 2017. godinu nalaze se u činjenicama kako slijedi:

Na svojoj 37. sjednici održanoj 30.01.2017. godine, Skupština Zeničko-dobojskog kantona je donijela Zaključak broj: 01-14-1310/17 od 30.01.2017. godine, kojim je zaduženo rukovodstvo Skupštine da u što kraćem roku organizuje sastanak sa predstavnicima Vlade Zeničko-dobojskog kantona, gradske uprave Zenica, Evropske banke za obnovu i razvoj (EBRD), JP Regionalni Vodovod "Plava voda" d.o.o. Travnik i Fonda za zaštitu okoliša Federacije Bosne i Hercegovine, na kome treba da iznađu zakonito rješenje za nastavak realizacije već podržanog Projekta "Izgradnja regionalnog vodovoda Plava voda" i shodno tome predlože rješenja Skupštini.

Zajednički sastanak predstavnika gore navedenih organa i institucija održan je dana 03.02.2017. godine u zgradi sjedišta Zeničko-dobojskog kantona u Zenici.

Zaključkom broj 2., navedenom u Zapisnika broj: 01-14-1310-2/17 od 04.02.2017. godine sa radnog sastanka rukovodstva Skupštine Zeničko-dobojskog kantona sa svim relevantnim subjektima u cilju iznalaženja zakonitog rješenja za nastavak realizacije projekta „Izgradnja regionalnog vodovoda Plava voda“, kao jedne od mjera i aktivnosti koje je neophodno poduzeti definisana je potreba pripreme Izmjena i dopuna Budžeta Zeničko-dobojskog kantona za 2017. godinu i Zakona o izmjenama i dopunama Zakona o izvršavanju Budžeta Zeničko-dobojskog kantona za 2017. godinu.

Također, Vlada Zeničko-dobojskog kantona je na svojoj 94. sjednici, donijela Zaključak broj: 02-14-7610/17 od 26.04.2017. godine, kojim se zadužuje Ministarstvo finansija da pripremi prijedlog Izmjena i dopuna Budžeta Zeničko-dobojskog kantona za 2017. godinu i prijedlog Zakona o izmjenama i dopunama Zakona o izvršavanju Budžeta Zeničko-dobojskog kantona za 2017. godinu, a u cilju donošenja Odluke o prihvatanju zaduženja po ugovoru o zajmu između Bosne i Hercegovine i Evropske banke za obnovu i razvoj (EBRD) i Bosne i Hercegovine i Razvojne banke Vijeća Evrope (CEB) za projekat "Izgradnja regionalnog vodovoda Plava voda".

S obzirom da predmetno zaduženje nije planirano u Budžetu Zeničko-dobojskog kantona za 2017. godinu, bilo je neophodno izvršiti i odgovarajuće izmjene i dopunu Budžeta Zeničko-dobojskog kantona za 2017. godinu.

Svojim dopisom broj: 10-14-12717-1/17 od 12.06.2017. godine Ministarstvo za obrazovanje, nauku, kulturu i sport se obratilo Ministarstvu finansija kojim predlaže uvećanje pozicija Budžeta Univerziteta u Zenici iz namjесkih sredstava Fonda za zaštitu okoliša za potrebe nastavka projekta "Uspostava centra za monitoring okoliša Zeničko-dobojskog kantona u iznosu od 975.212,00 KM.

U skladu sa članom 140. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13), predlaže se upućivanje Izmjena i dopune Budžeta Zeničko-dobojskog kantona za 2017. godinu u skupštinsku proceduru po skraćenom postupku, u formi prijedloga, iz razloga što nije u pitanju složen i obiman propis.

FINANSIJSKI EFEKTI

Finansijski efekat Izmjena i dopune Budžeta Zeničko-dobojskog kantona za 2017. godinu uvećava Budžet na prihodovnoj i rashodovnoj strani za 1.978.212 KM.